

რ ე ვ ა ზ

ე პ ა ბ ა ლ ა ბ

საქართველოს მთავრობის

ოფიციალური
ცოდნა

თანამედროვე ქართული ლიტერატურის კლასიკოსის, რუსთავე-
ლის პრემიის ლაურეატის, რევაზ მიშველაძის შემოქმედება კარგა-
ხანია მსოფლიო ლიტერატურის ორგანულ ნაწილად იქცა.

„საქართველოს მაცნე“ გამოსცემს პროზის დიდოსტატის რევაზ
მიშველაძის რჩეულ თხზულებათა ოცდახუთტომეტულს.

მკითხველი ამ ტომების წაკითხვისას ადვილად დარწმუნდება, რომ
მწერლის უანრულად უალრესად მდიდარ ნაწერებში ჩანს არა მარტო
საქართველოს პრობლემები, არამედ ქართული სარკმლიდან დანა-
ხული მსოფლიოც.

2013



დ რ ა მ ა ც ე რ ვ ი ა

ცოდნა

X VI



გამოცემის „საქართველოს მაცნე“

ტელევიზორში გამოსაჩენ – დაბანილგოჭებიან, სავსე ვიტრინებიან და კმაყოფილი სახის ადამიანებიან ქვეყ-ნად და გამსრეს საბაზრო ფასებიან, ძნელადსაშოვნ კონსერვებიან და მხოლოდ სიზმარში გამოცხადებულ ხიზილალიან ქვეყნად, სადაც შეიძლება შიმშილით ამოგხდეს სული, თუ შინ სპეცმაღაზიაზე მიწერილი ომის ვეტერანი არა გყავს.

გ ი ო რ გ ი – როგორ გაეცინებათ ოცდამეხუთე საუკუნეში, როცა შეიტყობენ, რომ ჩვენს სხდომებსა და თათბი-რებზე კარგა ხანია მოვხსენით მსოფლიო ლაყბობის ყველა რეკორდი და ერთმანეთთან ცა და მიწასავით დაშორეუბლი უსაქმო გამოსვლების თანმიმდევრო-ბას სიყვარულით „კამათს“ ვეძახით.

ბ ე ნ ო – როგორ გაეცინებათ ოცდამეხუთე საუკუნეში, როცა გაიგებენ, რომ წინამძლოლად ამოჩემებულ კაცს იმ რაიონს ავარჩევინებდით, სადაც იმ ასარჩევ პიროვნებას არათუ არავინ იცნობდა, იქ ექსკურსი-აზეც კი არ იყო ნამყოფი, და მერე აღტაცებულნი გავყვიროდით, ბედნიერი ვართ, რომ დაგვთანხმდა, ჩვენს ოლქში კენჭისრაზეო.

ლ ე ო (წინ გამოდის მიკროფონით ხელში). საერთოდ რად ავი-ტეხეთ ეს ტელეხიდი, ხათაბალაა და მეტი არაფერი. ხომ არ აჯობებდა, ტყუილების თქმაში გასავარჯიშე-ბლად ჯერხნობით შინაური ტელეხიდები მოგვენყო?!

ტაში, ზეაწეული საფინალო მუსიკა.

უფასლუროდ ნამდები

ტრაგიკომედია ორ მოქმედებად

პირველი მოქმედება

მოქმედი პირნი:

მამუკა უფლისაშვილი
რამაზ თაყაშვილი
ჰანც კანცვერბერგი
პორუჩიკი
რაუშ ტრაუბენბერგი
ყაფლან სარაჯოვი
ნოშრევან ამილახვარი
სათათბიროს თავმჯდომარე
გრიგოლ ბაქრაძე
მარიამი
გუბერნატორის თანაშემწე

ჩაბნელებულ სცენას წელ-წელა ეპარება ცისფერი ციაგი. უე-ცრად სიჩუმეს მატარებლის კივილი და ბორბლების რახრახი არ-ღვევს. თითქოსდა სადღაც მატარებელი ჩერდება. სცენის სიღ-რმეში ჯერ ატორტმანებული კუბო გამოჩნდა. კუბო ნელა მოიწევს წინ და მალე გამოიკვეთებიან ისინიც, ვისაც კუბო მოაქვს. სამ-გლოვიარო მუსიკა. კუბოს მოჰყვება თავდახრილი რამაზ თაყაშ-ვილი. რამაზს საძი შავფრაკიანი მამაკაცი შორიახლო მოაცილებს. კუბო ჩამოდგეს. პროცესია ბაქანზე გამწკრივდა.

ჰ ა ნ ც ი (რამაზს) – მაქვს პატივი მოგესალმოთ, საბაჟოს უფროსი ჰანც კანცვერბერგი.

რ ა მ ა ზ – გმადლობთ.

ჰ ა ნ ც – მიიღეთ ჩვენი გულწრფელი თანაგრძნობა, მოწყა-ლეო ხელმწიფევ.

საბაჟოს უფროსმა ხელი მაგრად ჩამოართვა. რამაზმა მადლობა გადაუხადა და, მიუხედავად იმისა, რომ აქ დადგენილი ცერემონია-ლის მიხედვით, მისგან ზედმეტი სითამამე იყო – უფროსის ამაღა-საც ჩამოუარა და „გმადლობთ, ჩემო ბატონო, გმადლობთ, შენი ჭირიმეს“ ბუტბუტით ყველას ჩამოართვა ხელი.

ჰ ა ნ ც – ნება მიბოძეთ, გვითხოთ, კავკასიაში მიბრძანდე-ბით?

საბაჟოს უფროსს რბილი, ხორხისმიერი ხმა აქვს.

რ ა მ ა ზ – დიახ.

ჰ ა ნ ც – ჩემს ცნობისმოყვარეობას მხოლოდ ერთი მიზეზი აქვს; გზაში ერთ კვირას მაინც იქნებით, მიცვალე-ბული ხომ კარგად არის მოვლილი, უბრალოდ რომ ვთქვათ, ბალზამირებულია თუ არა?

რ ა მ ა ზ – ვერ გეტყვით, კუბო არ გამიხსნია. (რამაზმა სა-ბაჟოს მოხელეს თვალებში შეხედა).

ჰ ა ნ ც – ?!

რ ა მ ა ზ – განსვენებული, სულ მცირე, სამასი წლის მკვდარი მაინც არის.

ჰ ა ნ ც – გასაგებია (საბაჟოს მოხელეს სახეზე ძარღვიც არ შეტოვებია, თუმცა ერთი სული ჰქონდა გაეგო, რა იყო ეს სამასი წლის მკვდარი ამ საშუალო ტანის, მკვირცხლოვალება, პირმრგვალი მამაკაცისათვის, ან რა მოსაზრებით შეენუხებინა ნეშტი ამხელა გზაზე საჯაჯგუროდ).

რ ა მ ა ზ – თუ თქვენში რაიმე ეჭვს იწვევს ჩემი ტვირ-თი, შეგიძლიათ გახსნათ სარკოფაგი (სიჩუმე რამაზ თაყაშვილმა დაარღვია, მაგრამ მაშინვე ინანა, ჰანს კანცვერბერგს აღელვება მხოლოდ ხმის ათრთოლებაში შეეტყო).

ჰ ა ნ ც – თქვენ ხუმრობთ, ბატონო მგზავრო. მართალია, ავსტრია-უნგრეთს მკაცრი სასაზღვრო წესების სახ-ელმწიფოდ თვლიან, მაგრამ ჯერ იქამდე არ მივ-სულვართ, მიცვალებული გავჩხრიკოთ.

საბაჟოს უფროსმა თეთრი ხელთათმანები გაიკეთა და მოაჯირს მიყრდნობილ ოთხ გოლიათს საჩვენებელი თითის მოკეცვით უხმო.

ჰ ა ნ ც – გთხოვთ (კონცვერბერგმა რამაზი წინ ჩაიყენა და პროცესია მატარებლისკენ დაიძრა).

რამაზ თაყაშვილი ხელდაკრეფით მიჰყვება კუბოს და ზურგს უკან საბაჟოს თანამშრომლების ფრთხილ, მოზომილ ნაბიჯებს გრძნობს.

კუბო საფოსტო ვაგონში შეაცურეს, ჭირისუფალი თავის კუ-პემდე მიაცილეს, ერთხელ კიდევ ჩამოართვეს ხელი და მატარებლის დაძვრის მოლოდინში გაირინდნენ.

მატარებლი დაიძრა. მატარებლის დგანდგარი ნელ-ნელა მატარე-

ბლის სრბოლის მუსიკალურ ლაიტმოტივში გადადის. თითქოსდა სცენაც ვაგონივით ირწევა. ვაგონი ლურჯი ციაგითაა განათებული. დროგამოშვებით (როცა ვაგონი ნათურასთან გაივლის) სინათლე შემოიქრება. სინათლე ხან ნარზე გულალმა მწოლ რამაზ თაყაშვილს გადაუვლის, ხან მამუკა უფლისაშვილის კუბოს. უეცრად სარკოფა-გის თავი შეინძრა. მიცვალებული ზეალიმართა. თეთრტანსაცმლიანი მამუკა უფლისაშვილი საიქიოდან მობრუნებულს ჰგავს. ფერიც არა-ამქვეყნიური აქვს და ხმაც. რამაზ თაყაშვილი წამოხტა, ჯერ კე-დელს მიყრდნო, მერე მუხლებზე დაეცა.

რ ა მ ა ზ – მაპატიეთ, თქვენო უწმინდესობავ!

მ ა მ უ კ ა – რა გაპატიოთ, შვილო ჩემო?

რ ა მ ა ზ – რომ შემეშინდა და ხელი მიკანკალებს.

მ ა მ უ კ ა – ამუამად სახე ჩემი მე თვითონვე შემაშინებდა. ესეცარ იყოს, შენ ხომ არასოდეს გინახავს ვენეციელი ხიზანი – მამუკა უფლისაშვილი.

რ ა მ ა ზ – სწორედ ასეთად წარმომედგინეთ.

მ ა მ უ კ ა – ალბათ იმიტომ, რომ ჩვენ ყველანი ერთმანეთს ვგავართ.

რ ა მ ა ზ – ღვთის მონები?

მ ა მ უ კ ა – ქართველნი (თავის კუბოზე ჩამოჯდება).

რ ა მ ა ზ – მომიტევეთ კადნიერება, რომ თქვენი ნეშტი შევაწუხე და სამშობლოს განსასვენებელს გამოვუყენე.

მ ა მ უ კ ა – სამშობლომდე ჯერ დიდი გზა გვაქვს. მზადა ხართ?

რ ა მ ა ზ – რისთვის?

მ ა მ უ კ ა – განსაცდელთათვის. ჩემი ცხედარი რომ შეგამ-თხვევთ, შინაც, გარეთაც.

რ ა მ ა ზ – რა ბრძანებაა, საქართველოში მკვდრები ძალიან უყვართ. და მით უმეტეს, თუ მიცვალებულის თავი ეკლის გვირგვინით შეუმკიათ უკეთურ კაცთა. სამ-შობლოს მიწა ყველას ეკუთვნის.

მ ა მ უ კ ა – სამშობლოში თავისუფლად ყოფნის უფლება
უფრო დიდი ბედნიერება იქნებოდა.

რ ა მ ა ზ – ოლონდაც, მაგრამ თქვენ ხომ არ იცით, რა
სულთქმაა დღეისდღის ქართლში. როგორ უყვართ
და როგორ იბრძვიან.

მ ა მ უ კ ა – ჩვენი ბუნება ისე ძველია და ისე მყარი. ვეჭვობ,
სამას წელს შეეცვალა ზნე და არსი ქართლოსიანთა.

რ ა მ ა ზ – თქვენ შეჭირვებული, ქანცმილეული ქვეყნის
ყარიბი მწირი წახვედით და იმპერიაში ბრუნდებით.

მ ა მ უ კ ა – მეც ეგ მაშინებს. რაკი ქართლის დიდებულთა
ნაბიჯებს და ნამოქმედარს ურდოში სწონიან, ჩემთ-
ვის ღიმილსღა გაიმეტებენ და ისიც ცალყბად, ე მანდ
არავინ შეგვამჩნიოსო.

რ ა მ ა ზ – გაგიბედავთ შეკამათებას. თქვენი დაბრუნება
უძვირფასესი მოვლენაა საქართველოსთვის.

მ ა მ უ კ ა – მაგასაც ვნახავთ. რომ იცოდეთ, როგორ არ მინ-
და გული გატკინონ კარიერის კიბეზე მთვლემართ.
ვისაც მამული მეწველ ფურად უცვნია, ქვეყანა ჯვრე-
ბზედ გაუყიდია და იმპერიის ლაქის მანტია მოუსხ-
ამს მოძმეთა მოსათოკავ-მოსაღორებლად.

ვაგონის კარზე კაუნი გაისმა.

მამუკა უფლისაშვილი კუბოში ჩაწვა და სარკოფაგის თავის
დახურვაში რამაზიც წაეშველა. ვაგონის კარი გაიღო. კუპეში ულ-
ვაშგან კეპილმა პორუჩიკმა შემოჰყო თავი.

პ ო რ უ ჩ ი კ ი – მისი იმპერატორობითი უდიდებულესო-
ბის მიერ დამტკიცებული საბაჟოს წესების მიხედვით
მგზავრებს ეკრძალებათ ვაგონიდან უნებართვოდ
ჩამოსვლა! (რამაზ მიუბრუნდა).

– ბატონი მაყაშვილი?

რ ა მ ა ზ – დიას (რამაზმა ლოყებს ხელები მოაცილა და წამოდგა).

პ ო რ უ ჩ ი კ ი – თქვენი ბარგი სულ ეს არის?! (პორუჩიკმა

ტყავის ყვითელ ჩემოდანზე მიუთითა).

რ ა მ ა ზ – არა, თან კუბო მიმაქვს (ყურები გაუწითლდა რამაზს).

პ ო რ უ ჩ ი კ ი – ვიცით, ვიცით. თქვენი წოდება?

რ ა მ ა ზ – ტახტის აზნაური (რამაზს გაეცინა), საგანგებო მინ-
დობილობათა მესამე რანგის მოხელე ამჟამად.

პ ო რ უ ჩ ი კ ი – საქმიანობა?

რ ა მ ა ზ – კომერსანტი გახლავართ. ევროპაში ფოტოსაქმის
ლიტერატურისა და ფოტოაპარატების შესაძენად ვი-
ყავი წასული.

პ ო რ უ ჩ ი კ ი – ეროვნება?! (ხელისუფლების წარმომადგენელი
სიცხიანვით ისვრის სიტყვებს, გეორგებათ, მგზავრის პა-
სუხი არ აინტერესებსო).

რ ა მ ა ზ – ქართველი (მიუგო რამაზმა და არწივის-ლერბიანი
პასპორტი კუბოზე დადო). იმპერიის სრულუფლებიანი
მოქალაქე.

პ ო რ უ ჩ ი კ ი – კიდევ კარგი, რომ ჩემი მორიგეობის
დროს მოხვდით, თორემ შეიძლებოდა ეს საქმე ცუ-
დად დამთავრებულიყო (პასპორტი ხელისგულზე გაატყ-
აპუნა), რისკიანი ხალხი ხართ. ნუთუ ვერ ხვდებით,
რომ კუბო ვერაფერი კონსპირაციაა კონტრაბანდის
გადმოსატანად?

რ ა მ ა ზ – მაქვს პატივი მოგახსენოთ, რომ არათუ თქვენს მო-
ნა-მორჩილს, ჩემი გვარის ვერც ერთ წარმომადგენელს
ვერ იხილავთ ვაჭრუკანა-კონტრაბანდისტის როლში.
(რამაზ თაყაშვილი წელში გაიმართა. საბაჟოს მოხელეს
აშკარად შეეტყო, რომ ეწყინა. არც მგზავრის ამაყი კილო
მოეწონა და არც იმის შესაძლებლობა, რომ კუბოში მართლა
შეიძლებოდა მიცვალებული ყოფილყო).

პ ო რ უ ჩ ი კ ი – გაფრთხილებთ, სანამ ამ ოთახში მესამე
პირი არ არის, შეგვიძლია ერთმანეთს ვენდოთ, როცა
ჩხრეკას დავიწყებთ, თუნდაც უმნიშვნელო საბაჟო
ცუღლუტობისთვის უმკაცრესად დაისჯებით.

რ ა მ ა ზ – მესმის.

ჩინოვნიუმა მაგიდასთან მიირბინა და ზარი ააქლარუნა.

ჩხრეკა დიდხანს გაგრძელდა.

ჯერ რამაზი დააყენეს ოთახის შუაგულში და სთხოვეს ყველაფერი გაეხადა.

კვართ-საწმერთულის ამარა, ფეხშიშველი იდგა ცივ იატაკზე ტახტის აზნაური და მაგიდის გასწვრივ, კედელზე, ვიტტეს ლამაზ პორტრეტს შესცეკროდა.

რომ იტყვიან, საფისტონე ჯიბიანად გაჩხრიკეს, ლანჩასაც კი უტყაპუნეს ჩაქუჩი. მერე ჩემოდანი გადმოაპირქვავეს და საეჭვო იქაც რომ ვერაფერი იპოვეს, გულდანყვეტილმა პორუჩიკმა ხელები გაიფერთხა და უბრძანა, ჩაეცვა და ჩემოდანიც ჩაელაგებინა.

ჯერი კუბოზე მიდგა.

ფანჯარას მიმდგარ რამაზის დიდხანს ესმოდა სპილენძის ზარის რევა. კუბოს მოხვედრილი ჩაქუჩის ექი დიდხანს წრიალებდა ოთახში და, საპარო სარკმლიდან გამძვრალი, შორს, ჰორიზონტ-თან, თეთრი ეკლესის გუმბათზე იშლებოდა.

ერთადერთხელ მოიხედა და ასეთ სურათს წააწყდა: საბაჟოს ვირთხისთავა უფროსი ტაბურეტზე შემდგარიყო და თავახდილ კუბოში ლუპით იხედებოდა.

რამაზი შეზარა ამ სანახაობამ. მიცვალებულის წინაშე თავი დამნაშავედ იგრძნო, ცივ მინას შუბლით მიეყრდნო და სანამ არ უხმეს, არ შემობრუნებულა.

პ ო რ უ ჩ ი კ ი – ვინ არის განსვენებული?! (საბაჟოს მოხელე ბატის ფრთას ჩუქურთმიან სამელნეში წამდაუწუმ ასველებ-და და რაღაცას წერდა).

რ ა მ ა ზ – მეთექვასმეტე საუკუნის ქართველი მოღვაწეა, მამუკა უფლისაშვილი (მშვიდად მიუგო რამაზმა).

პ ო რ უ ჩ ი კ ი – სად იყო დამარხული?

რ ა მ ა ზ – ვენეციაში.

პ ო რ უ ჩ ი კ ი – რატომ?

რამაზმა შეკითხვა ვერ გაიგო.

პ ო რ უ ჩ ი კ ი – როგორ მოხვდა-მეთქი ვენეციაში?

რ ა მ ა ზ – ვერ გეტყვით. მე პირადად მისი ბიოგრაფიიდან ცოტა რამ ვიცი. საეკლესიო გამოკვლევებს და საგა-ლობლებს წერდა. სიმართლე გითხრათ, არც ვიცოდი თუ იტალიაში იყო დამარხული. ერთ მისიონერს შემთხვევით წამოცდა, აქ, სხვათა შორის, ბოკაჩიოს მეოთხე წყალქუჩაზე ქართველი კაცის საფლავიაო. დავინციერესდი, ხუთი დღე ველოდე ზღვის უკუქცევას. წყალმა რომ დაიკლო, ჯვარი გამოჩნდა. ჯვარზე, ქვემოთ ფირფიტა იყო გაკრული და „მამუკა უფლისაშვილი“ ეწერა. მამუკა უფლისაშვილის სახელი ყველა ჩემმა თანამემამულემ იცის. რაკი სამშობლოში მისი გადასვენების განზრახვა ჩავიდე გულში, არ მოვეშვი. ჩემი საქმეები განზე გადავდე და შევები. ნებართვის მისაღებად რომის პაპთან მისვლაც დამჭირდა. ბოლოს, როგორც ხედავთ, ყველაფერი კარგად დამთავრდა.

პ ო რ უ ჩ ი კ ი – რა ნათესაური კავშირი გაქვთ მიცვალებულთან?! (ეტყობოდა, რამაზის მიერ მოთხოვნილმა ამბავმა საბაჟოს მოხელე სრულიადაც არ დააინტერესა).

რ ა მ ა ზ – მე... (რამაზმა ხელისგული მოისრისა) არაფერი.

პ ო რ უ ჩ ი კ ი – მაშ, რა მიზნით მოასვენებთ ცხედარს?

რ ა მ ა ზ – უბრალოდ, ქართველი კაცია და...

პ ო რ უ ჩ ი კ ი – როგორ! (იმპერიის საზღვრის დამცველი ფეხზე წამოდგა) დადიხართ ასე ევროპაში ქართველები და თუ სადმე ქართველის საფლავს ნახავთ, ამოთხრით და სამშობლოში მიარბენინებთ? კარგი გართობაა, ჩემმა მზემ!

რ ა მ ა ზ – ეს უბრალო ქართველი არ გახლავთ (რამაზს სიბრაზისაგან პირი გაუშრა), დიდი ქართველი მამულიშვილი და მეცნიერია.

პ ო რ უ ჩ ი კ ი – მით უმეტეს! შენ გვინია, დიდი პატი-
ვი ეცი, მიწიდან რომ ამოთხარე?! (ვირთხისთვალე-
ბამ გაცინება სცადა და წინ გამოშვერილი სამი კბილი
შემზარავად გამოაჩინა). ვენეციაში დამარხვა ხუმ-
რობა საქმე ხომ არ გვინიათ? ვინ მოგცათ ნება
მიცვალებულის წინაშე ასეთი მკრეხელობა ჩაიდი-
ნოთ? საქართველოში დამარხვა რომ სდომებოდა,
თვითონ იზრუნებდა ამაზე სიცოცხლეში. არ მია-
ტოვებდა თქვენ ქვეყანას და ვენეციაში არ ამო-
ყოფდა თავს. დამიხედვთ ამას! ახალი პროფესიის
კაცი – მკვდრების შემგროვებელი!

რამაზ თაყაშვილი მიხვდა, რომ საბაჟოს მოხელე შარზე იყო და
გაჩუმება არჩია. სწორედ ამ სიჩუმემ გაჭრა. ვირთხის ნათესავმა
წერა დაამთავრა. ვერცხლის ბუდეში ჩადებული კვერისხელა ბე-
ჭედი დააძრო, ქაღალდს სამ ადგილას გაუტკაცუნა და ოთახიდან
გასვლისას ქართველ კომერსანტს ყბის კანკალით აუწყა:

პ ო რ უ ჩ ი კ ი – არა, არა! თქვენ თქვენსას არ მოიშ-
ლით. თქვენ თქვენსას არ მოიშლით. ჩემი საქმე რომ
იყოს, ჩემი საქმე რომ იყოს!.. (მეჩერდა, ხელი ჩაიქნია და
სწრაფი ნაბიჯით გაყუნცულდა ოთახიდან).

საუწყებო საქმეთა ვიცე-გუბერნატორის რაუშ ფონ ტრაუბენ-
ბერგის კაბინეტი.

თ ა ნ ა შ ე მ წ ე. კვლავ რამაზ თაყაშვილი გეახლათ.

რ ა უ შ – უთხარით, რომ არა ვარ.

თანაშემწეს გაეცინა.

თ ა ნ ა შ ე მ წ ე. იცის, თქვენო მაღალკეთილშობილებავ,
ეტლიდან გადმოსვლისას დაგინახათ. დღესაც აქ
დააღამებს. იქნებ აჯობებს, მიიღოთ და მოიშოროთ.

რ ა უ შ – მიიღოთ, მამა გიცხონდება, შენთვის ადვილი სათქ-
მელია! – სთხოვეთ!

კარი რომ გაიღო, ტრაუბენბერგი წამოდგა და კომერსანტისკენ
ხელგაშლილი წავიდა.

რ ა უ შ – ოო, მობრძანდით, ბატონო თაყაშვილო. თქვენ
ახლა ყველაზე სასურველი სტუმარი ბრძანდებით.
მაპატიეთ, რომ გალოდინეთ. თანაშემწემ დროულად
არ მომახსენა. დაბრძანდით, მგზავრობამ ხომ არ
დაგდალათ?

მამა არ შეხვდება ასე დიდი ხნის უნახავ შვილს.

გაბადრული თაყაშვილი უხერხულობის გასაფანტავად ხელებს
მუხლებზე ისვამს, გაეგონა, ვიცე-გუბერნატორი თვალთმაქციაო,
მაგრამ თუ ამხელა მელა იყო, არ ეგონა.

ვერ წარმოიდგენთ, როგორ გაგვახარეთ. თქვენ
ნამდვილი გმირი ხართ. ჩვენი დღეების გმირი. სა-
მასი წლის შემდეგ მამუკა უფლისაშვილს თავისი სამ-
შობლოს მიწა მიიბარებს. ეს ხომ ზღაპრის ახდომას
ჰგავს. ეს ხომ ჩვენი დიდი ხნის ოცნება იყო. გაგი-
ჭირდათ საფლავის მიღება?

რამაზმა გაიფიქრა, ამან თუ ასე ილაპარაკა, ისე გამიტყუებს
კარებისკენ, რომ სიტყვას არ ჩამაგდებინებსო და საქმეზე გადავიდა.

რ ა მ ა ზ – ჩემი გაწვალება რა ანგარიშში ჩასაგდებია, თქვე-
ნო მაღალკეთილშობილებავ, ჩემ ადგილას ყველა
ასე მოიქცეოდა. ახლა თქვენი შეწევნით, ამ ძვირფას
ნეშტს სათანადო პატივისცემა და დაკრძალვა უნდა.

ვიცე-გუბერნატორს არ ესიამოვნა, რომ ასე ჩქარა ალავერდს
მისკენ გადავიდნენ.

რ ა უ შ – რასაკვირველია, რასაკვირველია... კერძოდ რა გაქვთ მხედველობაში?

რ ა მ ა ზ – ორი მთავარი საკითხი, თქვენო მაღალკეთილშობილებავ: საიდან გამოვასვენოთ და სად დაიკრძალოს.

რ ა უ შ – მე რა შუაში ვარ? (ეს უკვე აღარ იყო ტრაუბენბერგისეული ეშმაკობით ნათქვამი. ვიცე-გუბერნატორმა წყენა ვერ დამალა და წამოდგა, თუმც იქვე სცადა ავყიად წამოსროლილი სიტყვის გამოსწორება). მე, რაც შემიძლია. ერთი სიტყვით, თქვენი ხმალი და ჩემი კისერი...

რამაზ თაყაშვილი მიხვდა, რომ გაიძვერა მოხელე ფონს ეძებდა და გზა გადაუჭრა.

რ ა მ ა ზ – მოგეხსენებათ, დაკრძალვისა და ქორწინების საკითხები უშუალოდ თქვენ კომპეტენციაში შედის.

რ ა უ შ – საერთოდ კი... რასაკვირველია... მაგრამ ეს კერძო შემთხვევა გახლავთ... ეს უბრალო დაკრძალვა არ არის... სიმართლე გითხრათ, ჩემთვის ეს სრულიად მოულოდნელი იყო...

რ ა მ ა ზ – ??

რ ა უ შ – როცა ასეთი საქმე გადაწყვიტეთ, უნდა შეგეთანხმებინათ, რომ იტყვიან, საქმის კურსში უნდა ყოფილიყო ქალაქის დეპარტამენტი. თქვენ ფაქტის წინაშე დაგვაყენეთ. ეს მთლად კარგი ვერ არის (ვიცე-გუბერნატორი წყენას ვერ მალავს).

რ ა მ ა ზ – მართალი ბრძანდებით, თქვენო მაღალკეთილშობილებავ, მაგრამ მე ხომ წინასწარ არ ვიცოდი. იქვე იტალიაში შემთხვევით გავიგე. მოგეხსენებათ, შეთანხმების და მოთათბირების დრო არ იყო. ახლა, ავად თუ კარგად, საქმის ნახევარი გაკეთებულია. უკანდასახევი გზა არა გვაქვს – მიცვალებული მიწას უნდა მივაბაროთ.

რ ა უ შ – საქმეც ისაა, მოწყალეო ხელმწიფევ, რომ უკანდასახევი აღარ გვაქვს. ამას სხვანაირი განსჯადაფიქრება უნდა. დაკრძალვამ საშიში ფორმები რომ მიიღოს?! ხალხს ისედაც ბუნტისკენ უჭირავს თვალი, წუმწუმის ალიც საკმარისია და დემონსტრაციად გადაიქცევა თქვენი უფლისაშვილის დაკრძალვა, მერე თქვენ განზე დადგებით, პასუხს კი მე მაგებინებენ.

ორივენი სდუმან.

რ ა მ ა ზ – დაყოვნება იქნებ უარესი იყოს ამ საქმისათვის, თქვენო მაღალკეთილშობილებავ. გარწმუნებთ, დაკრძალვას საშიში მიმართულება არ მიეცემა. ქალაქი დაიტირებს თავის წინაპარს. იქნებ უკეთესიც იყოს. სამასი წლის ცხედართან გამართული პანაშვიდი საეჭვო პირებსაც კი სამიოდე დღით დაავიწყებს ეკონომიური და პოლიტიკური ბრძოლის საქმეს.

რ ა უ შ – თქვენ მხედველობიდან ერთი რამ გრჩებათ. სამაგიეროდ ეროვნულ გრძნობებს გააღვივებს. ნაციონალური დროშების ფრიალს მოჰყვებიან. არ გახსოვთ, რა ამაზრზენი ამბები მოჰყვა დავით ერისთავის ბალაგანს? მაშინაც ასე უმტკიცებდნენ, თურმე, გუბერნატორს, ეთნოგრაფიული სპექტაკლია, უმტკივნეულოდ ჩაივლისო.

რამაზი დარწმუნდა, რომ გამოქექილ ვიცე-გუბერნატორს გზაკვალი ვერ აუბნია და უკანასკნელ ხერხს მიმართა.

რ ა მ ა ზ – დაყოვნება შეიძლება დამღუპველი აღმოჩნდეს-მეთქი, თქვენო მაღალკეთილშობილებავ. მთელმა ქალაქმა იცის, რომ კუბო ჩემს სახლშია. მესამე დღეა, ყოველ საღამოს ჩემს ჭიშკართან უცნობებს ვხედავ. რაც დრო გადის, ემატება ხალხი. ჩემს სახლთან

დემონსტრაციის გამართვას სჯობს დაკრძალვას სახ-
ელმწიფოებრივი ხასიათი მივცეთ. რომელიმე დაწე-
სებულების შენობიდან გამოვასვენოთ. პოლიციასაც
წესრიგის დაცვის მეტი საშუალება ექნება.

რ ა უ შ – თქვენ მაინც რომელ უწყებებზე ფიქრობთ? –
ყრუდ იკითხა ვიცე-გუბერნატორმა.

რ ა მ ა ზ – ყაფლან სარაჯოვის პანსიონატიდან, ან კეთილშო-
ბილთა საქველმოქმედო საკრებულოს შენობიდან გამო-
ვასვენოთ, პოლიტიკისაგან თავისუფალი უწყებებია.

ვიცე-პრეზიდენტი ფეხზე წამოდგა.

რ ა უ შ – ბატონო თაყაშვილო, უფლებას გაძლევთ თქვე-
ნი შეხედულებისამებრ იმოქმედოთ. ჩვენი საუბარი
არ შემდგარა. თქვენ ჩემთან არ ყოფილხართ და
არც არავითარი თანხმობა მომიცია. ასე აჯობებს.
მე ამ საქმიდან განზე გავდგები. თქვენ თვითონ
მოელაპარაკეთ ყაფლან სარაჯოვს.

რ ა მ ა ზ – მაგრამ ის უთქვენოდ, რასაკვირველია, არ
გადაწყვეტს. ვერ გაძედავს.

რ ა უ შ – ეს უკვე სხვა საქმეა. როცა თვით რექტორი დააყ-
ენებს საკითხს ჩემ ნინაშე, შევეცდები ხელი არ შე-
ვუშალო. ოღონდ ცერემონიალი არ უნდა გაშორდეს
საეკლესიო მოღვაწის დაკრძალვის ფარგლებს. სა-
შიში რეციდივების შემთხვევაში პირად პასუხისმგე-
ბლობას თქვენ გაკისრებთ.

რ ა მ ა ზ – ვემსახურები იმპერიას! გმადლობთ, თქვენო მალ-
ალკეთილშობილებავ. (რამაზ თაყაშვილი წამოდგა).

ყაფლან სარაჯოვი ტანდაბალი, ცისფერთვალება, უდროოდ
გამელოტებული კაცი სარკის წინ ტრიალებს. ხელში ქაღალდი
უჭირავს და სადლაც მაღალი რანგის შეკრებაზე წარმოსათქმელ
სიტყვას სწავლობს.

ყ ა ფ ლ ა ნ ი. ბატონებო და ქალბატონებო... ქალბატონე-
ბო და ბატონებო... პატივცემულო საზოგადოებავ...
მოგმართავთ თქვენ, მოწყალეო ხელმწიფენო და
დიდებულო გვამებო! საღათას ძილიდან ჩვენი ერის
გაღვიძება მისი უკვდავების ნიშან-საბუთია. ამ გაღ-
ვიძების არაერთი ჭეშმარიტი მაგალითი ყოველდღი-
ურად ჩვენ წინ ფეთქავს და ღაღადებს. ახლა ჭეშ-
მარიტ მამულიშვილთა ამოცანა ის არის, მარად ოდენ
სიტყვით კი არა, საქმით შევენივნეთ ჩვენს ხალხსა.
ყოველი კეთილი ფიქრი თავისის ნაყოფითა ჰაფასობს
და ჩვენი ღვთიური ვალია მწედ და ბჭედ დავუდ-
გეთ აბობორებულს ქართველობას. რა შეგვიძლიან
ჩვენა? დიახაც რომ ბევრი რამ, თუ კი დავძლევთ
შიშგარეულ მორცხვობას და ჩაგრულთა თანადგომას
და გამოსარჩლებას შევუდგებით! (შეჩერდება, თავიდან
დაიწყებს და ისევ აგრძელებს, შემოდის რამაზ. ყაფლანი მას
ვერ ამჩნევს და სიტყვის ზუთხვას განაგრძობს).

რ ა მ ა ზ – შენთან ვარ სტუმრად! (ძლივს მოახერხა რამაზმა და
ყურში ჩასძახა გულაჩუებულ მასპინძელს).

ყ ა ფ ლ ა ნ – აბა ვისთან იქნები. მაგას ლაპარაკი უნდა?
(რამაზს ფანჯრის რაფაზე მიუთითა, წელზე ხელი მოხვია
და მაგიდისკენ წაიყვანა).

– ეს რა გააკეთე, რა ბიჭი ხარ, რომ იცოდე. სა-
დაც კი მოვხვდი ამ ბოლო დროს ოჯახებში, ყველგან
შენ სადლეგრძელოს სვამენ. მეხარბება, ძმაო, შენი.
(ყაფლანი სავარძელში ტანაჯორივით ტრიალებს).

რ ა მ ა ზ – შენი პანსიონატიდან უნდა გამოვასვენოთ. (რამაზმა
სიხარულისგან ატროკებულ ყაფლანს ქამანდივით ესროლა.
სარაჯოვი გაქვავდა).

ყ ა ფ ლ ა ნ – ჩემი თავი გენაცვალოს, მაგრამ რატომ მაინც-
დამაინც აქედან? (ეს უკვე დამფრთხალი, გატეხილი კაცის
ხმაა).

რ ა მ ა ზ – სახელიანი დაწესებულებაა, ეროვნული.

ყ ა ფ ლ ა ნ – მაგ საკითხზე ცოტა დავთიქრდეთ, რამაზ ჩემო (პანსიონატის გამგე შორიდან უვლის და რამაზი უკვე მიხვდა, რომ ამ კაცს უარის თქმა მტკიცედ აქვს გადაწყვეტილი). არ ავჩქარდეთ და საქმე არ გავაფუჭოთ. იმ უწყებას-თან, საიდანაც გამოვასვენებთ, რაღაც კავშირი ხომ უნდა ჰქონდეს.

რამაზი დარწმუნდა, რომ საუბრის გაგრძელებას აზრი აღარ ჰქონდა და, ცოტა არ იყოს, გაბრაზდა.

რ ა მ ა ზ – როგორ? პანსიონატთან მამუკა უფლისაშვილს კავშირი არა აქვსო, შენ ამბობ, ყაფლანი ამბობ ამას?

ყ ა ფ ლ ა ნ – ახლა ასე თუ ვიმსჯელებთ, ვისაც ერთი სტატია დაუწერია, რაღაც კავშირი ყველასა აქვს ჩვენთან, მაგრამ ხომ ფაქტია, რომ ჩვენი თანამშრომელი არ ყოფილა და არც ამ პანსიონატში მიუღია განათლება.

რ ა მ ა ზ – რას გეტყვი, იცი? (რამაზი წამოდგა და შარვლის ჯიბეში ხელები ჩაიწყო). არ შეიძლება, ძმაო, ასე. ასე ანყობილად და თავაუტკივრად ნუ ცხოვრობთ. სირცხვილია. მაშინ გადადექი ამ პოსტიდან, თუ ერთი ბეწო გაძედულებაც არ გაგაჩნია და დაჯექი სახლში. შენი ჩრდილისაც გეშინია და კაცმა რომ გკითხოს, თავს დადებ შენი ქვეყნისთვის. ეს შენი პროფესორია და მსოფლიო სახელი იმიტომ უხარია ქვეყანას, რომ რაღაცაში შეეწევი, რაღაცაში გამოადგები. ილიას თქმისა არ იყოს, ერთ-ორ გულმოსაფხან სიტყვას მაინც ეტყვი, შე კაცო.

ყაფლანი დატუქსვას დიდი ხნის გადაჩვეული იყო და აიმრიზა.

ყ ა ფ ლ ა ნ – შენ შენსას მიერეკები და ახლა ჩემიც მოისმინე. რომ იცოდე, არც ეგრეა საქმე, შენ რომ ფიქრობ. შენ რა იცი, რას ვაკეთებ მე და რა ცეცხლში მაქვს თავი შეყოფილი ყოველდღე. შენ რა იცი, რა კბილებით მიჭირავს ჩვენი ენა ამ პანსიონატში. გააკეთებთ პატარა რაღაცას და მაშინვე გმირის ნათელს დაიდგამთ თავზე. რა ნახე ასეთი, შე კაი კაცო. ჭკუას რომ მარიგებ, შენი ნაფიცი მოწაფე ხომ არ გგონივარ? როგორ შეიძლება მამუკა უფლისაშვილის ამ კედლებიდან გამოსვენება. ათასი „ბუნტოვშჩიკი“ მყავს. იტყვის რომელილაც თავგაბურებული ახალგაზრდა რამეს და სულ დაგვიხურავენ ამ პანსიონატს. შენ გაეცი მერე ქართველ ერს პასუხი. (ისეთი ექსტაზით, ისე პათეტიკურად ლაპარაკობს სარაჯოვი, უცხო კაციც ადვილად დაასკვნის, რომ ქართველი ერი ამ გამოჩენილ მოღვაწეს ფეხებზე ჰკიდია. კარგად ბრძანდებოდეთო, – სხვათა შორის დაუგდო და პანსიონატის გამგეს თავისი გრძელი მონოლოგი პირში შეატოვა).

რამაზ თაყაშვილს აუდიენცია აქვს კეთილშობილთა საქველმოქმედო საკრებულოს მარშალთან. თავადი ნოშრევან ამილახვარი თოხმოცას გადაშორებული, ყრუ მოხუცი სავარძელზე გაწოლილა, გენერლის ბრჭყვიალა ქამარი ისე ღონივრად შემოუკრავს, რომ სულს ძლივს ითქვამს. ყბებსმიჭერილ მაღალ საყელოში წამდაუწუმორ თითის იყოფს, რომ ჰაერი გადაყლაპოს.

მის წინ ჩიხტიკოპიანი ქალი ჩინგურს აკვნესებს. იქვე ზის რამაზ. სამივენი მღერიან: „ჩინგური საქართველოა, სიმები ჩვენ ვართ ყველაო“.

ნ ო შ რ ე ვ ა ნ – პირველად რომ მითხვეს, ყურებს არ დავუჯერე. არ იქნება-მეთქი მართალი. ბატონო კომერსანტო, ამ სიბერეში ცოტა ურწმუნო გავხდი, მაპატიეთ, მე აღარც კი მეგონა, თუ ასეთი მამულიშვილები კიდევ

არსებობდნენ. დღეს ყველას თავისი თავი უჭირს, რომელი ჭკუათმყოფელი წამოიღებდა-მეთქი კუბოს იტალიიდან, მაპატიეთ, ბატონო კომერსანტო? (ამილახვარს რამაზის სახელი უკვე მესამედ დაავიწყდა). მე დღეს ბედნიერი კაცი ვარ. ნუთუ ეს მართალია. ნუთუ ჯერ ყველაფერი არ დამთავრებულა. სასწაული ერი ვართ ჩვენ. აი ნახავთ, ისტორიის ამ მოსახვევსაც გავივლით და გაღმა გავცურავთ. ნუთუ მამუკა უფლისაშვილს თავისი სამშობლოს მიწა მიიბარებს?! ეს... ეს... ეს ხომ ჩემი საშვილიშვილო ოცნება იყო! (ამილახვარს სიტყვები აღარ ეყო, თვალებზე ჭრელი აბრეშუმის ცხვირსახოცი მიიფარა და ისევ აქვითინდა).

რ ა მ ა ზ – თქვენო უმაღლესობავ, თქვენი შეწევნა სჭირდება ამ საქმის დაგვირგვინებას! (ჩასძახა რამაზმა მხრებაკანკალებულ თავადს).

ნ ო შ რ ე ვ ა ნ – რა სჭირდება?! (მოხუცმა ყურს ხელი მიაფარა).

რ ა მ ა ზ – დახმარება!

ნ ო შ რ ე ვ ა ნ – არ დაიჯერებთ (ამილახვარმა ჯერ გულისჯიბეზე დაირტყა ხელი და მერე მუხლებზე). კაპიკის მოხერხებას არა ვართ, ჩვენი სალარო ასე ცარიელი არასოდეს ყოფილა.

რ ა მ ა ზ – ფული არ გვინდა.

ნ ო შ რ ე ვ ა ნ – რა, არ გნებავთ? (მარშალმა ისევ მიიფარა ყურზე ხელი).

რ ა მ ა ზ – ფული, თქვენი დასტური გვინდა.

ნ ო შ რ ე ვ ა ნ – რაზე?

რ ა მ ა ზ – ამ შენობიდან უნდა გამოვასვენოთ.

ნ ო შ რ ე ვ ა ნ – რა უნდა ჰქნათ?!

რ ა მ ა ზ – აქედან უნდა გამოვასვენოთ. სამოქალაქო პანაშვიდი აქ უნდა გაიმართოს!

ნ ო შ რ ე ვ ა ნ – ვისი?!

რამაზ თაყაშვილს ნერვები დააწყდა.

რ ა მ ა ზ – მამუკა უფლისაშვილის.

ნ ო შ რ ე ვ ა ნ – აააა... ოოო (როგორც იქნა, გაიგო საქველმოქმედო საკრებულოს მარშალმა, მაგრამ ვაი ამ გაგებას!). არ გამოვა ეგ საქმე. თქვენ ახალგაზრდა კაცი ბრძანდებით. თქვენ არ იცით, ამას რა მოჰყვება. ძლივს წყალობის თვალით გამოიხედა იმპერატორმა ჩვენენ. ახლა, გაზაფხულზე ალექსანდრ მიხაილოვიჩს ველით ბორჯომში. მაგ საქმეს ვერ ვიზამ. ხლაფორთში თავს ვერ ჩავიგდებ. თქვენ არ იცით, ბატონო კომერსანტო, თქვენ, ოცდათორმეტ წელს დაბადებულიც არ იყავით. ნუ გვიწყენთ, ჩვენ სხვანაირი ცხოვრება გვქონდა. თქვენც რომ გეხეხათ მეტების ყაზარმები, სხვანაირად ილაპარაკებდით. მე თვითონ ათი წლის ბიჭი ვიყავი, მაგრამ ჩემი უფროსი ძმა ქაიხოსრო ელიზბაროვიჩ ამილახვარი შეინირეს. მისი საფლავიც კი დაგვეკარგა. (მარშალმა ისევ აიფარა ცხვირსახოცი და ტირილით გული რომ იჯერა, კომერსანტი მის კაბინეტში აღარ იყო).

რამაზ თაყაშვილის ბინა. ოთახის შუაგულში დევს კუბოს ცისფერი შუქი ანათებს. კუბოზე უფლისაშვილი ჩამომჯდარა. იქვე, სკამზე რამაზ თაყაშვილი ზის. ორივენი თავდახრილნი სხედან და თავიანთ ხელებს დასცექრიან.

მ ა მ უ კ ა – უფრო კაცთა გულგრილობამ შემაძრწუნა. როგორ წარმოვიდგენდი, თუ ასე ნახდებოდა ქვეყანა.

რ ა მ ა ზ – მაგ დასკვნის გაკეთებას ნუ იჩქარებ. ქვეყანა იქნებ სხვანაირად ფიქრობს. სხვათა შორის, მე მათიც მესმის.

მ ა მ უ კ ა – რა ბრძანებაა. ცვედანთა ლაშქარს დაუჰყრია მთელი ქალაქი. მე სამასი წლის წინათ გარდავსულვარ. რა უფლება მაქვს, ჩემი სარკოფაგით ადამიანებს

მშვიდი ძილი დავურლვიო და ადამიანებს საშიშროება
შევუქმნა.

რ ა მ ა ზ – მაგრამ თქვენ ხომ ერის დიდება და სინდისი
ხართ?!

მ ა მ უ კ ა – ჩანს, იმათთვის, ვის კიბეზე სიარულითაც ამაოდ
დაშვრი, ღირსებაზე მეტად კუჭი ფასობს.

რ ა მ ა ზ – თქვენს დროს ვით იყო?

მ ა მ უ კ ა – აღარ მახსოვს. მგონი ასე იყო მაშინაც.

რ ა მ ა ზ – ხვალ სათათბიროს თავმჯდომარეს უნდა ვეახლო.

მ ა მ უ კ ა – ნება შენია. ოღონდ გახსოვდეს, ამაყად, ყინჩად
გეჭიროს თავი. არ შეიძლება არ იცოდეს მეფისნაცვალ-
მა, რომ მე მარტო შენი მიცვალებული როდი ვარ. და
იქნებ სხვა დროს სხვა თაყაშვილმა მისი კუბოც ასე
გაიდოს მხარზე და სამშობლოში ჩამოასვენოს.

სინათლე ქრება. რამაზ თაყაშვილი სათათბიროს თავმჯდო-
მარის კაბინეტშია. თავმჯდომარეს სახარებასავით უჭირავს წიგნი
და რუსულს სწავლობს.

თ ა ვ მ ჯ დ ო მ ა რ ე – დარაგიე ტოვარიშჩი. რაზრეშიტე
იზ სოლნერნოი, სოლნერნოი! (რამაზს). რა ძნელი გამო-
სათქმელია.

რ ა მ ა ზ – არ მინდოდა თქვენი შეწუხება, მაგრამ სხვა გამო-
სავალი არ არის. დამნაშავესავით დავდივარ და ქვეყ-
ანაზე თავი ვერ გამომიყვია. იყო დამარხული კაცი
მშვენივრად, იტალიის მინაში, არავინ აწუხებდა, არა-
ვინ ურლვევდა საუკუნო ძილს. მე მეგონა, კარგს ვა-
კეთებდი. მოვისისხლფასე ორიოდ კაპიკი და მამუკა
უფლისაშვილის ნეშტი თბილისში ჩამოვასვენე. ერთი
თვეა შინ მიდევს კუბო. ერთი თვეა ღამეები არ მძი-
ნავს, დილის ხუთ საათზე წამით ჩათვლემილს დამა-
დგება მიცვალებული თავზე და ხელებგამოწვდილი
მემუდარება: რა გინდოდა, რას მერჩოდი, ან შენი
თავი რატომ ჩაიყენე ასეთ დღეში, ან მე რაღაზე ამო-

მაგდე მიწიდანო. თქვენს იქით გზა არა მაქვს. ილაჯი
გამიწყდა, მოთმინება დავკარგე... (მხარზე ხელისდადება
იგრძნო და გაჩუმდა, ვერც კი შეამჩნია, როდის წამოდგა
თავმჯდომარე და როდის მივიდა მასთან).

თ ა ვ მ ჯ დ ო მ ა რ ე – შეგიძლიათ არ გააგრძელოთ (სა-
თათბიროს თავმჯდომარეს გაბზარული, ნერვული ხმა
აქვს). ეს ყველაფერი უკვე ვიცი, ერთი თვეა ველი
თქვენ მოსვლას. რატომდაც გვიან გაგახსენდით.
გელაპარაკებით, როგორც სახელმწიფო მოხელე და
არც ჩემი ქვეყნისადმი სიყვარულის დამტკიცებით ვა-
პირებ თქვენი გულის აჩუყებას. იფიქრეთ, როგორც
გსურდეთ, მაგრამ მეც მოსვენება დავკარგე, ამ ერთი
თვის განმავლობაში. არ გიხმეთ მხოლოდ იმიტომ, რომ
მინდოდა თქვენ თვითონ გაგხსენებოდით და მოგეძე-
ნეთ. ჩემი გაუხსენებლობა ძნელია, რადგანაც გაზეთე-
ბი ყოველდღე მიხსენებენ (გაეცინა). ხან კარგად და ხან
აუგად. არც მოძებნა ძნელი. უფლება მომეცით ვი-
ფიქრო, რომ აქამდე თქვენი მოუსვლელობა მხოლოდ
და მხოლოდ ჩემდამი თქვენი უნდობლობით იყო
გამოწვეული. გასაგებია, თქვენ ფიქრობთ, მე საკმაოდ
დიდი თანამდებობა მიჭირავს იმპერატორის კარზე იმ-
ისათვის, რომ მამუკა უფლისაშვილის დაკრძალვაზე
ვიფიქრო, ასე გადაწყვიტეთ თქვენ ყველამ. არ არის
ასე, მოწყალეო ხელმწიფევ. ჩემი საიმპერიო სამსახური
ხელს როდი უშლის საქართველოს მომავალზე ჩემს
ფიქრს. შეიძლება სხვადასხვა იყოს ჩვენი ქვეყნისათ-
ვის ჩვენი სამსახურის მასშტაბები და მის მომავალსაც
სხვადასხვანაირად ვჭვრეტდეთ, მაგრამ დამერწმუ-
ნეთ, მე ჩემი ქვეყნის სიცოცხლისა და ბედნიერების
სურვილით ვდგები ყოველ ცისმარე. ვიცი, თქვენთვის
ახლა ძნელია ამის დაჯერება. ჩემი სიტყვები, ცოტა არ
იყოს, მევე მეჩვენება პათეტიკურად. ერთი შენიშვნა
მაინც უნდა მოგცეთ: თქვენ თვითონ გამოიგონებთ იქ,

ქვემოთ „პრობლემებს“ და თვითონვე ხართ გულმო-სულნი. რა გინდოდათ მავანისა და მავანის კარს რომ აწვებოდით? განა არ იცით, არც ერთ მათგანს უჩე-მოდ ამ საქმის გადაწყვეტა არ შეეძლო? ჰოდა, ჩემგან დაგეწყოთ, ჩემო ძვირფასო, ვინ გაავრცელა ჭორი, თითქოს სახელმწიფო სათათბიროს თავმჯდომარეს ასეთი საქმეებისათვის არ ეცალოს? განა ამგვარი წი-ნადადებით მოსული რომელიმე თქვენთაგანისთვის აუდინციაზე უარი მითქვამს?

რ ა მ ა ზ – ბოლოს და ბოლოს, რას მოვითხოვთ? ძვირფასი ნეშტი სამშობლოს მინამ მიიბაროს, სხვა ხომ არაფერს.

თ ა ვ მ ჯ დ ო მ ა რ ე – აქ მთელი პრობლემა იმაშია, რომ მთლად უცოდველი არც თქვენ ბრძანდებით. ნუ მიწყ-ენთ კი.

რ ა მ ა ზ – მე? რა ბრალი მიმიდლვის?

თ ა ვ მ ჯ დ ო მ ა რ ე – თქვენ თვითონ შეუწყვეთ ხელი ამ ამბის გახმაურებას. კაცმა რომ თქვას. ხელსაც გა-ძლევდათ: რამაზ თაყაშვილი მამულიშვილის კუბოთი სახელმწიფო მოხელეთა კარდაკარ დადის. კარგად ჟღერს, ხომ კი?

რ ა მ ა ზ – მაპატიეთ, მაგრამ მე სახელის შოვნის სხვა უფრო დიდი ასპარეზი მაქვს, ვიდრე მიცვალებულთა თავის მიწაზე დაბრუნებაა.

თ ა ვ მ ჯ დ ო მ ა რ ე (გაბრაზდა) – ასე რომ არ ყოფილიყო, ყოველგვარი აუიოტაჟის გარეშე ჩამოიტანდით და მეორე დღესვე მიაპარებდით მიწას.

რ ა მ ა ზ – ახლა რაი ვქნათ?

თ ა ვ მ ჯ დ ო მ ა რ ე – ჩემი დიდი სურვილის შემთხვევა-შიც კი ამ საკითხის ერთპიროვნულად გადაწყვეტა არ შემიძლია. სამწუხაროდ, ქალაქი ღელავს. შეიძლება დაკრძალვას ინციდენტი მოჰყვეს. მოვეთათბირები ზევით და იქნებ მივაღწიო, დაკრძალვის ცერემონია-ლის ჩატარებას პოლიციის გაძლიერებული მეთვალყ-

ურეობის ქვეშ, თქვენი პირადი პასუხისმგებლობით. რ ა მ ა ზ – დიდად გმადლობით.

თ ა ვ მ ჯ დ ო მ ა რ ე – ეს ჯერ მხოლოდ ჩემი სურვილია. ქვეყანას ნუ მოსდებთ. საერთოდ, თქვენ, „ეროვნულ გმირებს“, გრძელი ენა გაქვთ. კარგად ბრძანდებოდეთ.

სინათლე ქრება ძველი ქართული საგალობლების ფონზე მოაქვთ სარკოფაგი, რომელსაც ნელ-ნელა წითელი შუქი ადგება. კუბი მხ-არზე შეუდგამთ მუშტშეკრულ მოქალაქეებს და უძველეს ქართულ სიმღერას აგუგუნებენ. ასე მოიწევენ წინ და ავანსცენაზე გამოდიან.

მეორე მოძმედება

პირველი მოქმედების ფინალის მუსიკალური აკორდით იწყება მეორე მოქმედება. ოთხ მამაკაცს წითლად განათებული კუბო ისევ შემოაქვთ და სცენის შუაგულში დგამენ. სინათლე ქრება. მოისმის რადიოს ხმები. თითქოს ტრანზისტორის ღილაკს ვილაც ატრია-ლებს. სხვადასხვა ენაზე სხვადასხვა ხმები ცვლის ერთმანეთს. მათ შორის ქართულიც და რუსულიც. საშინაო თუ საგარეო ცხოვრებას შეეხება ნაწყვეტები. რუსულად ჩერნობილის ავარიის ინფორმა-ცია გაერთა და ბოლოს ახალი ცნობაც, ამერიკაში სსრკ საგარეო საქმეთა მინისტრის ვიზიტის შესახებ. ტრანზისტორი ჩუმდება და სცენის სილრმიდან მოდის თმათეთრი გრიგოლ ბაქრაძე. მკერდზე სურათის ცარიელი ჩარჩო აუხუტებია. მოიტანა და კედელზე დაჰ-კიდა. მაყურებლისკენ შემობრუნდა.

გ რ ი გ ო ლ – მიხარია, ბაბა, შენი ახლანდელი განიწმატება. ასე უნდა, აბა რა. რომ არ გეთქვა ჩემთვის, რას დაგვჩხა-ვი ყვავივით, ნახავ აგერ, თუ არ შევცვლით ქვეყანას, თუ არ დაიყაროს სამ-ოთხ წელიწადში სარჩო-საბადე-ბელიო, მეწყინებოდა. შენი ქიჩმაჩი და დაჯერებული გასვლა-გამოსვლა გულს მიხარებს. თუ არ გჯერა იმ-ისი, რასაც აკეთებ, წყლის ნაყვაა ყველაფერი. როგორ მითხარი, თქვენ, ძველებს კვირაში ორი პარასკევი

გაქვთო? თქვენი გაფუჭებულიც და ჩვენიც, ახლა ორივე ერთად ჩვენი გასასწორებელი შეიქნაო? იქნება მართალიც ხარ, მაგრამ სანამ ქვეყანას გასწორებდეთ, სანამ გამრუდებულ საქმეს წალმა წაიყვანდეთ, მანამდე თავდაჭერა და მოკრძალება გმართებთ. არაა ასე ადვილი წლების ნამუდრებალის გამოკეთება. შენ თვითონ ამბობ: გონჯ პატარძალს ფერ-უმარული ველარას უშველისო, შენც რომ არ მითხრა, ძალათ გამლამაზებლებს რომ არ ჰგავხართ, მეც გატყობთ კოჭებში, მაგრამ ვნახოთ, რა ქალაქს ააშენებთ – „აგერ შენ და აგერ კრეტაო“, – ბერძნები იტყვიან. ძირძველი, ჭკვიანი ხალხია ბერძნები. იქნებ, მე ველარ ვიცხოვრო თქვენს ანაყვავებ ქვეყანაში, მაგრამ ღმერთმა ხელი მოგიმართოთ ამ თქვენს საწალმართო ჩანაფიქრში. ისე, ძალიან კი მინდა ვნახო, რამდენ ხანს შეგრჩებათ ქვეყნის განახლების ხალისი.

არაა, ბაბა, ასე ადვილი-მეთქი, რომ გეუბნებოდით, არ გჯერა, ვხედავ. ნამდვილად ასე სჯობია. შენ რომ ჩემთან ჭკუის საკითხავად მოსულიყავი, იქნებ ისეთი რა მერჩია, ერთხელ და საბოლოოდ გაგტეხოდა გული და სხვა საჭიდაო-საასპარეზოს დადგომოდი. მიდით, სცადეთ თქვენც, იქნებ თქვენმა აჯობოს, იქნებ არც ისე ბნელადაა საქმე, როგორც მე მგონია ახლა, ამ წუთში. თქვენი მდგომარეობა ჩვენსაზე იოლია-მეთქი რომ გითხრა, არ გენყინოს. ოთხმოცს გადაშორებულ კაცს რაღაცები დამეჯერება და, თუ ცოტას მაინც მენდობი, მადლობელი ვიქნები. ჩვენ ვინ გვეტყოდა, მთლად კარგად არ გვაქეს ჯერ გარკვეული, რა გვინდა ისტორიისგანო, მაგრამ ურმის და გზის არ იყოს, ახლა გამოჩნდა, რომ არც თავიდანვე აგვილია მთლად სწორი გეზი. ჩვენ, უბრალო ხალხს, გვეუბნებოდნენ: რავარც იქნა, მივაგენით ჭკუის მადანს, ეშველება ანი მუშას, ახალ ქვეყანას ვაშენებთ და

მოგვყევითო. არ მივყვები ამნაირ ჭკვიანურ დაძახილს? ხელი დავიკაპინეთ და მივყევით. მე მუშაკაცი ვარ, ბაბა. კი, ობჩის ოთხწლედი დავამთავრე და ორწლიან გადასამზადებელზეც ვიმეცადინე, მარა მიწის საქმე ვარჩიე ყველაფერს: ჩემი დღე და მოსწრება თოხს ვურტყამდი მიწას. თოხს მიწას ვერ ააცილებ და ე მყნობა-წინდვა და მარგვლა-მოროდი ჩვენ, ქართველებს, ათაბაბადან დაგვყვა. დიდი სკოლა-ფილოსოფია ამ საქმეს არ სჭირდება. ჩემ დღეზე გიყვები, სხვის ცხოვრებასთან რა ხელი მაქვს. სხვაი, ალბათ, სხვანაირად ცხოვრობდა. ახლა თქვენი ძალა იმაშია, რომ შეგიძლიათ გადახედოთ ჩვენს გზას და დედალ-მამალი ცალკე დაალაგოთ; რაში ვიყავით მართალი და რაში არა – გაზომ-აწონოთ და კაი გაიჭკუისოთ, ცუდი გადაყაროთ. ჩვენ ვისთვის შეგვეხდა, ჩვენ წინ ვინ იარა? როგორც გაზეთებშია: ისტორიის ახალ ფურცელს ვწერდით, „კი, რასაკვირველია, ყველაფერი აწონ-დაწონილი გვაქვს, არ შეგეშინდეთ, მისხალში არ შევცდებითო“, – გვეუბნებოდნენ ჩვენი ბელადები, მარა შეუმცდარი არი ვინმე?

ახლა ამას რატომ გელაპარაკები, თუ იცი, პატიება უნდა გთხოვო, ბაბაია, ამ დღეში რომ ჩაგაგდე, და ისიც უნდა შეგეხვენო, რომ საფლავიდან ნუ ამომიღებ. არ ვარ ამის ღირსი მე. ჩემს რწმენას ვემსახურებოდი ისე, როგორც ახლა შენ შენს რწმენას ემსახურები. რა ვიცოდი, რა ბაბილონის გოდოლს ვაშენებდი.

ისე რომ არ გამოვიდა, როგორც ჩაფიქრებული გვქონდა, ამას ახლა ქვეყანა ხედავს. რომ ვიძახოთ, ავშენდითო, თავის მოტყუება იქნება. კაი ხანს გარეთ მტერს უუვსებდით თვალს და შიგნით მოყვარეს. ახლა ტყუილები აღარ გადის, ხელის გულივით ჩანს მთელი მსოფლიო ტელევიზორში.

სცენის ერთ მხარეს ქოროსავით დგას მომღერალთა ჯგუფი. ისინი ეპოქების მიხედვით იცვლიან იერს. ხან კონუსისებურ ქუდებს იხურავენ, ხან იხდიან და მოსასხამებს მოიხურავენ და ა.შ. ახლა ქოროს რევოლუციის ეპოქის ტანისამოსში ვხედავთ. ავრორას ზალპი, იმ დროის კანტატები. „მეგობრებო, წინ, წინ გასწით“... და რაღაც ამის მსგავსი სიმღერები გაისმის სცენაზე. გრიგოლ ბაქრაძე განაგრძობს:

გრიგოლ: დამიგდე ყური კარგად. რევოლუციის ბიჭების სახელით გელაპარაკები. შენზე ნაკლები არც მტკაველი გვქონდა და კაი მთქმელის კაი გამგონებიც ვიყავით. თხუთმეტი შემისრულდა და ნიკონაც დავამხეთ. ჩვენს სოფელში რომ ხმა ამოვიდა, ხელმწიფე ჩამოაგდესო, ბევრმა არ დაიჯერა. მეფის ჩამოგდება თუ ხალხს შეეძლო, უბრალო კაცის ტვინი ვერ წვდებოდა, ხელმწიფე ღმერთის დანიშნული და ღმერთივით შეუხებელი გვეგონა. გუშინდელივით მახსოვს. მაცხოვრის ეკლესიის ეზოში შეგვყარა რევეკომის წევრმა მორგოშიამ. ზარი დარეკეს, თორემ ისე ვინ გავიდოდა, დალლილი იყო ხალხი რევოლუციებით. ასრულდა ჩვენი ოცნება, მორგოშიამ, გამომგზავნეს, რომ გაუწყოთ, საქართველო დღეიდან თავისუფალიაო. რავარც მოგეხასიათოთ, ისე იცხოვრეთ, ანი რაც გინდათ თქვით და რაც გინდათ აცხვეთო. მას მერე კაი დრო გავიდა, და რომ არ მოგატყუო, ისე გაბადრულ-გახარებული მეზობლები მერე აღარ მინახავს.

ქორო მღერის: „სალამი ჩიტუნებო...“

გრიგოლ – ყველას რაღაცა ჩინ-ტიტული ჩამოურიგა მაშინ მორგოშიამ. მე, ვითომ, თავისუფალი ახალგაზრდობის კავშირის სოფლის რაზმის კომისრად ამირჩია. წავიდა მორგოშია და ჩვენ ისევ ჩვენს ეზო-ბალს მივუბრუნდით. კომისრობა, რევეკომიბა და აგიტატორობა საგარეო ხალათს მივაკიდეთ და მინას დავუწყეთ

ჩხუტური. ქვეყანა რომ ძველებურად არ იყო, იმაზე ვატყობდით, რომ ბეგარაზე არავინ გვეძახდა და გადასახადის დაგვიანებაზე სახლში არავინ გვივარდებოდა. ათასში ერთხელ გაბონებული ფულის ტკაცუნით ტომარაგადაკიდებული რწმუნებული ჩამოივლიდა და მორცხვად ჩამოვეძახებდა: საქართველოს მთავრობას ჭადი შემოაკლდა და სიმინდს ხომ არ შეელევით გასაყიდადო. გარდა ამისა, სოფლის ცენტრში ხანდახან გამოჩნდებოდნენ მოკლეშარვლიანები და, ახლა მეხანძრებს რომ ახურავთ, იმნაირქუდიანი ინგლისელები. ჯერ ჩანთიდან შავ-ყვითელ კენჭებს დააძრობდნენ და ცხვირთან მოგვიტანდნენ: ამნაირი ქვები ხომ არსად გინახავთ ამ შემოგარენშიო. მერე აუყვებოდნენ ტყეში აღმართს და კვირაობით იკარგებოდნენ. ცხოვრება თითქოს ჩანწენარდა და ჩვენს ჭირნახულსაც ფასი დაედო, მაგრამ ვგრძნობდით, რომ ასე არ გაგრძელდებოდა, მთავრობა რომ გააღებს გააღებს ჭიშკარს და განუკითხავად შემოუშვებს მტერ-მოყვარეს, ზურგზე ტომარას რომ გადაიკიდებს და სოფელ-სოფელ ივლის, მშია, შემენიეთო, არაა მისი საქმე კარგად.

რაღაც სამ-ოთხ წელიწადში აგვიხდა წინათგრძნობა. საქართველოს მთავრობა გეიქცა, ბოლშევიკები შემოვიდნენო. სანამ თვითონ ბოლშევიკები მოაღწევდნენ ჩვენს სოფლამდე, ხმა უფრო ადრე დაგვეცა. მოვიდნენ და პირველ დღესვე ცხრამეტი კაცი დაგვიჭირეს. თქვენაო მენშევიკების დამქაშები ხართაო, უორდანიას სამსახურში იყავით და დროებით მთავრობას უჭერდით მხარსო. ხატზე დავიფიცავ, ჩვენ არც დროებით მთავრობას ვეფიცებოდით ერთგულებას და არც მუდმივს ჩავდგომივართ კრიჭაში. გლეხები ვიყავით და გითხარი, მისი არ იყოს, მინას ვულაყუნებდით თოხს. იყავი ახალგაზრდების კომისარიო, მორგოშიამ, და რატომ ვეტყოდი უარს. ღვთის წინაშე, ცოდოს ვერ

დავიდებ, რა უნდა მეკეთებინა მე, როგორც კომისარს, არ მიკითხავს და არც თვითონ მორგოშიას უთქვამს. ადვილი შესაძლებელია, თვითონაც არ სცოდნოდა.

გამომიშვეს ორ წელიწადში, და, ის იყო, პატარა ფეხი წამოვიდგი, ცოლის შერთვას ვაპირებდი, ისევ შემაბრუნეს ციხეში და კინალამ ჩამომახრჩვეს – ქაქუცასთან გქონდა კავშირიო. თერთმეტი კაცი გააქრეს მაშინ ჩვენი პატარა სოფლიდან. რავარც მე არ მენახა ქაქუცა, ისე არ იცოდნენ საწყლებმა მისი ასავალდასავალი. შევეცოდე, ალბათ, ვიღაცას, და ორ კვირაში გამომიშვეს. რანაირად გადავრჩი, ახლაც მიკვირს. არაა მთლად კაი საქმე მაგ დროს გადარჩენა. სანამ არ გამაბატრაკეს და ხელახლა არ დამიჭირეს, კაი შვიდი წელი, სოფელი ალმაცერად მიყურებდა.

ქორო ერთხელ კიდევ იცვლის გარეგნულ იერს. კოლმეურნეობის შემოღების და პირველი ხუთწლედების ამსახველი პასაუები გაიღვეპენ სცენაზე. ქორო მღერის იმ პერიოდის პოპულარულ სიმღერას: „ცაზე მთვარე ამოსულა, ნანინა ნანა, ნიშანია დარისაო, ნანინა ნანა...“ სხვათა შორის გრიგოლის გარეგნობაც თანდათან იცვლება. იგი ზოგჯერ გადის სცენიდან და იმ ეპოქისათვის დამახასიათებელ კოსტუმში მოგვევლინება. პირველად რომ გამოჩნდება, მოხუცია. მერე თანდათან ახალგაზრდა, მერე სურათების მიხედვით თანდათან ბერდება და ბოლოს ისევ ახლანდელ სახეს უბრუნდება.

გ რ ი გ ო ლ – ეს ის დროა, კოლექტივი რომ შემოვიდეთ და სიმღერ-სიმღერით რომ გადი-გამოდიოდნენ ბრი-გადები სოფლის ერთი ბოლოდან მეორეში. ახლა რა არი, შემართული და დარაზმული ხალხი მაშინ უნდა გენახა. წუნუნს ვერ გაბედავდი, წელის ტკივილს ვერ დაიჩივლებდი, კოლექტივიზაციის მტრად და მეჩრდილიად გამოგაცხადებდნენ მაშინათვე. ვშრო-მობ ჩემთვის, ოფლს ვინურავ, ვირის აბანოში ნამყო-ფი ვარ და მაინცდამაინც საერთო ბრუნვა-ტრიალში

არ ვმონაწილეობ, თურმე არაა გაჩუმების და შენთვის ყოფნის დრო. უნდა იხარხარო სხვასავით და იხმაურო შენც. რომ არ ვქენი ასე, იმიტომ იყო ერთ მშვენიერ დღეს შავსიელად რომ გამომაცხადეს, ცოლ-შვილი ერთი თხის და სამზადი სახლის ამარა რომ დამიტოვეს, კულაკად რომ მომნათლეს და სამაზრო ციხეში მიკრეს თავი. მესამე დაჭერაზეც შვიდ თვეზე მეტი არ გავუჩერებივართ; კულაკობა და ჯიუტობა არ გაბედო, თვარა ციმბირი აქეთ დაგრჩებაო. არც კულაკობა ვიცოდი რა იყო და ჩემი ჯიუტობა, ამ ხნის მოვიყარე, კაცს არ გაუგონია. ურჩობა კი არა, მთავრობას უნდა, ცეცხლში გადავარდითო, რომ დაეძახათ, პირველი გავქანდებოდი. დრო იყო იმნაირი, ჩემო ბაბა. ეკლესიები რომ დავანგრიეთ და საღვთო წიგნები დავწვით, ჭკუათმყოფელი იზამდა? ახლაც გაიგონებ მაშინდელ ხუმრობას, თემსაბჭოს თავმჯდომარე სოფლის თვალწინ ხატს პუგაჩს რომ ესროდა: მიქნას, აბა, თქვენმა ღმერთმა რამე, თუ არსებობს ნამდვილადო. მეტი რა გიქნას, ბაბაია, გოდოუყვანიხარ ჭკუიდანო, მნათემ დაუძახა თურმე. მართლაც და, უარესს რას დაგმართებს ღმერთი კაცს. რანაირად უნდა დაგესხას თავრეტი, ხატს თოფი რომ ესროლო.

პაუზა. შიშის მაუწყებელი მუსიკა ისადგურებს სცენაზე. მეგრული მოთქმის ან ფშავური ხმით ნატირლების ჰანგები ისმის...

გ რ ი გ ო ლ – ამ გრიალ-ურიამულში, ნგრევა- შენებაში და „აბა, ჰეს“ ძახილში ოცდაჩვიდმეტი მოვიდა. ისედაც ჭანჭიკად მიაჩნდათ ადამიანი და იმ წლებში მთლად გაუფასურდა. შიშის ზაფრა იცი შენ რა არის? მტრისას და ავისას, აფთარი რომ შეგეჩეხოს ტყეში, შეშინებით როგორ არ შეგეშინდება, მაგრამ ის შიში ერთ წუთსაა, მეტს ხომ არა. ან შენ გაიქცევი, ან აფ-

თარი. თუ თოფი გაქვს, ან შენ ესვრი, ან ის შეგჭამს, ხომ? ახლა წარმოიდგინე: უსაშველოდ გაგრძელდეს ის ერთი წელი, აფთარი კარტზე გედგას, ვერც კარს უკეტავდე და ვერც გარეთ გამოდიოდე. ამნაირ შიშის ზაფრაში ჩავარდა ხალხი. ჯერ ჩვენი სოფელი რაა, რაღაცა სამოცი კინკილა მოსახლე ვართ და აქ რა იყო, სხვაგან რა იქნებოდა. ადგებოდი დილით, მეზობლის გადაძახების გეშინოდა. უნდა ვთქვა, ქალები ჩვენზე ყოჩალად იყვნენ. ჩემი ცოლი, საწყალი, ძროხებს რომ მოწველიდა და გადენიდა, აივანზე ველოდებოდი; არ იქნებოდა, ახალი ამბავი არ ეთქვა. ქალები, ხომ იცი, უფრო ახერხებენ გადაძახ-გადმოძახებას. „წესელის გაბუნია წოუყვანიათ“, „სიხარულიძესთან ყოფილან, გამთენისას, გაუჩხრეკიათ“ და ამნაირი სხვაც, ეს იყო ახალი ამბავი. დაღამების გვეშინოდა. დღე თითქოს არავინ გაწუხებდა. ღამე გვაკითხავდნენ „ხალხის მტრებს“. შუალამისას მეზობელს რომ დაეკაკუნებინა, შენ შენი დაგემართებოდა. მიეცა მაზანდა დასმენას და ცილისწამებას. ავსიტყვებს და გულბოლმიანებს ამინდი დაუდგათ. მე ოცდაჩვიდმეტის ოქტომბერში დამაპატიმრეს. რასაკვირველია, ველოდი დაჭერას. ჩემს „აყვანაში“ ხელი განაფული ჰქონდათ. სოფელში ყოველთვისაა თითო-ოროლა „დასაჭერ-დასასჯელი“. საქმეს რომ დასჭირდება, რომ მოკიდებ ყურში ხელს და ისიც ცხვარივით რომ მოგყვება. იცის, მაინც არაფერი გაუვა. გასაბჭოების დროს დამიჭირეს, ქაქუცას ამბავზე დამიჭირეს, განკულაკების დროსაც ჩამსვეს და ახლა რა ხათრ-სიყვარულით ამიღლიდნენ გვერდს. გითხრა სიმართლე, დროზე მინდოდა გავე-თოკეთ, შიშის ზაფრა საზიზღარი რამეა. როცა ზიხარ, ყუჩად ხარ კაცი. როცა არც იქით ხარ და არც აქეთ, მაშინ უფრო წვალდები. მომაკითხეს შუალამეზე და დიდხანს არ დამიყოვნებია ჩემი მზრუნველები, ბარგი

ჩაწყობილი მქონდა. მე, რასაკვირველია, მივყევი, ოჩ-ანი ხარივით გაწევა არ დამიწყია, მაგრამ, როგორც მერე გავიგე, ჩემს ცოლს აუტეხია ერთი ამბავი. „ვინაა ტროცკისტი, თქვენ უნამუსოებოო, აღარ მოგწყინდათ მართალი კაცის დევნაო? რა პასუხს გვაძლევთ ჩვენ, ვინ ურჩენს ოთხ შვილსო“. პასუხი ის მიუციათ, რომ ჩემი დაპატიმრების ორი კვირის თავზე აუყვანიათ ჩემი ცოლიც. (ყოველ დაპატიმრებაზე გრიგოლი მიდის სცენის ერთ კუთხესთან და ოთხ მცველს შორის დგება. ბორკილდადებული. ამჟამადაც იგი დაპატიმრებულია და უეცრად მოისმა ციხის ურიამული, კვნესა- გოდება. კივილის ხმამ გაფხრინა ჰაერი და სცენის მეორე კუთხეში ასევე ოთხ კაცში მდგარი მარიამი გამორჩნდა. მათი შეხვედრა შემაძრ-წუნებულია. დარაჯები ახლოს მისვლის საშუალებას არ აძლევენ).

მ ა რ ი ა მ – გრიგოლ!

გ რ ი გ ო ლ – მარიამ! შენ აქ რა გინდა, ბავშვები?!

მ ა რ ი ა მ – არაფერი არ ვიცი, გრიგოლ.

გ რ ი გ ო ლ – ვაიმე ჩემს თავს! გაწვალდებოდი მარიამ!

მ ა რ ი ა მ – არა, არა მიშავს... კარგად ვარ. გრიგოლ, უარესს ველოდი. თბილად გაცვია? ხალათს წაჭერი და ფეხებზე დაიხვივ, თითები არ წაგყინოს.

გ რ ი გ ო ლ – მასე ვმობი კი. ჩემზე არ იდარდო. ნამეტანი კარგ პირობებში მოვხვდი. არ შეგეშინდეს! გაგვიშვებენ მალე!

მ ა რ ი ა მ – კი, კი, შენ არ მომიკვდე. გაარკვევენ და გაგვიშვებენ, აბა რა იქნება. ბავშვების ხვარაფერი იცი?!

გ რ ი გ ო ლ – რა უჭირთ ბავშვებს. სოფელი იქ არაა?! გრამიტონი მოაშეებს ჩვენს ბავშვებს? რავა ფიქრობ შენ?

მ ა რ ი ა მ – არც გრამიტონზე მქონდა კაი სიზმარი.

გ რ ი გ ო ლ – ნუ იცი, გადარევა. შენმა სიზმრებმა ქნა ყორიფელი.

მარიამ – კაი ალარ ვიტყვი ანი. ჭადს ვინ დაუკავებს ბალნებს, მარა, ნაზიკო მეცოდება, მორცხვი გოგოა, მოუკვდეს დედა. შალიკოს შარვალი ვერ მოვუთავე. დამაშინება უნდოდა, დედა ვარ მეე?

გრიგოლ – ნუ გეშინია, გახვალ და შეუკერავ. აბა შენ იცი, რავარი ჭკვიანათ იქნები. ფიცხი ხარ შენ და ნერვები არ ეიშალო.

მარიამ – რა მჭირს ნერვების ასაშლელი. ჩემს სიმართლეს დამიკარგავს ვინმე? ჩალით კი არაა დახურული ქვეყანა. თუ გაჭირდა, კრემლს მივწერ წერილს და მიყურონ მერე მაგენმა.

გრიგოლ – ნახვამდის, აბა მარიამ!

მარიამ – მშვიდობით, გრიგოლ. თბილად ჩეიცვი. იშიაზმა არ გაგიხსენოს!

სინათლე ქვრება. გრიგოლი და მარიამი გაჰყავთ, მატარებლის კივილის ხმა მატარებლის ქშენით იცვლება. მკრთალად განათებული ცარიელი სცენა. კულისებში ვიღაც კითხულობს გალაკტიონის ლექს:

ცხოვრების ეტლის სადარებელი
საცაა გავა მატარებელი.
მიემგზავრება იმედი ჩემი
ბედის ვარსკვლავის სადარებელი.

ვიცი, ამ წასვლას რაც ეწოდება, –
რა საჭიროა ახლა გოდება.
მატარებლისგან როს მიმიღია
ან თანაგრძნობა, ან შეცოდება.

მატარებელი დუღს, როგორც ლავა,
მატარებელი ხუთ წუთში გავა,
ვინც სხვას აცილებს, დროა ჩასვლისა,
მატარებელი ხუთ წუთში გავა.

აპა, დაიძრა რკინის ბორბლები,
მივდევ ვაგონებს, მაღრჩობს გრძნობები.
გემშვიდობები სამარადისოდ,
სამარადისოდ გემშვიდობები!

მატარებლის კივილი და დგანდგარი. მატარებელი სიჩქარეს იღებს. მოჩანს გრიგოლ რობაქიძე მატარებლისკენ რელსებივით გაწვდილი ხელებით.

ავანსცენაზე ისევ გრიგოლი გამოდის.

გრიგოლ – მე, ჩემდა იღბლად, დავბრუნდი, მაგრამ ჩემი მარიამის ასავალ-დასავალი ველარ გავიგეთ. ახლა მისი ძვლებიც არ იქნება მიწაში. რეაბილიტაციები რომ ჩამოგვირიგეს, იმ უბედურ დღეზე გაჩენილის საბუთებსაც ვერსად მიაკვლის. კოლმეურნეობის კანტორაში ერთი პატარა, გაყვითლებული ქაღალდი ვიპოვეთ. 1937 წლის დეკემბერში ჩატარებული კოლმეურნეობის კრების ოქმის ამონანერი: „გაირიცხოს კოლნევრობიდან ხალხის მტრის, იმპერიალიზმის მოსყიდული აგენტის გრიგოლ ბაქრაძის ცოლი – მარიამ სხვიტარიძე, რომელიც დანაშაულებრივ კავშირში აღმოჩნდა თავის მეუღლესთან.“ კოლექტივიდან რომ გარიცხეს, მაშინ, ვინ იცის, ჩემი თანამეცხედრე ცოცხალიც აღარ იყო. ბავშვები, როგორც მაშინ მიღებული იყო, ნათესავებმა დაირიგეს. მამაშენი კაი ხანს მამას არც კი მეძახდა, გადაჩვეული იყო, ვერც გაამტყუნებ. ორმოცდაორში ციმბირიდან პირდაპირ ფრონტზე წამიყვანეს. მე, „ხალხის მტერს“, თოფი მომცეს ხელში და ხალხის და ქვეყნის დაცვა მანდეს. არ გაგიკირდება?

ომის დაწყების მსგავსი მუსიკა. იქნებ ლევიტანის ხმაც? შოსტაკოვიჩის ცნობილი სიმფონია... სიმღერა „გაუმარჯოს ჩვენს დიდ მარშალს, ვოროშილოვს ვაშა, ვაშა, ვაშა სნაიპერებს, ჩვენს ტანკისტებს, ვაშა!

გრიგოლ – გადავრჩი ტყვიის წვიმას. დავბრუნდი ორ-მოცდახუთში. მოვიძე ჩემი შვილები. ცოლი, ქე იცი, აღარ შემირთავს. შემოვლობე გაპარტახებული ეზო, გავმართე ოდა და ორმოცდაცხრაში ისევ დამიჭირეს. ეს ბოლო დაჭერა მაინც რაღა იყო. პიტლერი დამ-არცხებულია, მსოფლიოში პირველი სახელმწიფო ხარ, გამარჯვებული და გამართული, რაღა დროს ტყუილად დაჭერები და რეპრესიებია. ხომ გითხარი, სიაში ვიყავი სადღაც, და როცა „წესრიგის დამყარების“, ან წმენდის კამპანია ჩამოვიდოდა, ჩემს ჭიშკარს არ აცდებოდნენ. მეხუთე დაპატიმრებიდან რომ დავბრუნდი, ჯანმრთელობა გატეხილი მქონდა, ორმოცდათხუთმეტი წელი იყო. სტალინი აღარ იყო ცოცხალი.

მერე დავიბენით და დავიბენით. ამხელა სახელმწიფოს გაძლოლა, როცა არც ჭკუა გიჭრის მაინცდა-მაინც და ვერც ქვეყნის საქმეებში ერკვევი, ნამეტანი ძნელი გამოდგა. ბარე ორმა წაიტეხა კისერი. ერთმა მძიმე წონის უფროსმა თავი იმით დაგვამახსოვრა, რომ ეს მუშტივით შეკრული ჩვენი ბანაკი კინაღამ დაშლა-დახურდავებამდე მიიყვანა. პურით გავავსეთ ბეღლებიონ რომ ყვიროდა, სწორედ იმ წელიწადს ჩაგვაყენა შავი პურის რიგში. ტყუილებით ქვეყნის რჩენა შეიძლება, ბაბა? მაგის მოკლე ჭკუით ახლა კომუნიზმში უნდა ვყოფილიყავით და კომუნიზმი კი არა, მგონია, სოციალიზმაც კინაღამ ჩაგვიარა გვერდზე. მსოფლიოს სასაცილოდ კინაღამ გავიხადეთ საქმე. რამხელა ტყვილს უნდა ლაპარაკობდე, ფეხსაცმლის წაძრობით და მაგიდაზე რტყმევით დაგჭირდეს ხალხის დაწყნარება.

ქორო მლერის უკანასკნელისწინა პერიოდის სიმღერებს. ზეიმო-მანიისა და პომპეზურობის ეპოქა დგება

გრიგოლ – როგორც იქნა, დევეთხოვეთ იმ ბაქია ხელმძღვანელს და, რავარც ვიცით ჩვენ, ახალმა სულ თვით-ნება და თავგასული უძახა ძველს. მგლისგან დამ-ფრთხალი გადარჩენილი თხები რომ შეაჩერდებიან კატიან გიდელს, ისე შევაჩერდით რადიოს. სიტყვები იცოცხელე კაი ისმოდა, მარა რაი მერე? ვერა და ვერ გავიმართეთ წელში. უკან დაგორებული ურემივით მივექანებოდით. – მოდი ახლა ასე ვცადოთ, ეგება ასე აჯობოსო, შეიძლება მეფე ასე წალმა-უკულმა ბრუნავდეს? ვერ გაიგებდი, ვის ვეხმარებოდით და რატომ. ჩვენ თვითონ გაღლეტილები ჩვენზე გაღლეტილებს ვიძერენდით უბეში. მკვდარი მკვდარს აეკიდაო, გაგიგონია შენ? დილას ამერიკას და იქეთა გერმანიას ვულრენდით, უნდა დაგასამართოთ და საღ-ამოს ყელგანვდილი ვეხვენებოდით, პურის ფქვილი და გაყინული ქათამი მოგვყიდე, ეს ოხერი, უამინდობამ შეგვიშალა ხელიო. ორმოცი წელი უამინდობა შეიძლება, კაცო? სახელმწიფოს თავმა შუბლის ძარღვი რავა უნდა გაინყვიტო, სირცხვილ-ნამუსი არ უნდა იცოდე?

სტალინი არ გვინდაო იძახოდა და იმის კვალში იდგა. იმის გზასვე განაგრძობდა, ოლონდ უჭკულდ და უგერგილოდ. მეორე ნომერი მანდატი თვითონ გამოიწერა და კინაღამ ომის მოგებაც დაიბრალა. მანამ არ უტია სხვას, სანამ ზეზეურად არ გახმა. თქვენმა თაობამ სტალინი აღარ იცის. ჩვენთვის კი მთელი ცხოვრება იყო, ბაბა, და ამიტომაა, რომ წამოვწითლდები ხოლმე სახეზე, როცა გლახად ახ-სენებენ. მე რაც გამიკეთა, ხომ ხედავ, თუ ყურადღებით მისმენდი, ჩემზე დიდი მაგინებელი არ უნდა ჰყავდეს. მთელი ცხოვრება შიშში გამატარებინა და უდანაშაულო კაცი ხუთჯერ ჩამსვა ციხეში. მაგრამ მაინც ვერ ვიმეტებ. რა ვიცი, რა მემართება, სტალი-

ნი ჩემი სისუსტეა მაინც. იქნებ იმის გამოა, რომ მე ყოველთვის ასე საწყალი და უჩინო, მისი მსოფლიო ღონის მოწინებაში ვარ, იქნება თავისი დიდი ჭკუით და მოჩვენებითი თუ ნამდვილი უბრალოებით მომნუსხა. იქნება უბრალოდ შესახედავად მომწონს, ულვაშიანი, ლამაზი კაცი იყო, თავისივე გამოგონილი ორდენ-მედლებით და ზიზილ-პიპილოებით მკერდი რომ არასოდეს აუჭრელებია. რა ვიცი, ძალიან მინდა სწორად ვაფასებდე და მესმოდეს მისი გამკრიტიკებლების, მაგრამ მაინც ვერ მივიტანე გულთან მისი აუგად ხსენება. შეიძლება სტალინის სწორად შეფასება ჩვენმა თაობამ ვერც მოახერხოს. ერთში მაინც უნდა შეგეკამათო. კი, ბატონო, სტალინს ბევრი შეცდომა და ნაკლი ჰქონდა, გეთანხმებით, მაგრამ რაღა მარტო სტალინის მიმართ ვართ ასე ობიექტურები. მეც მომხრე ვარ, კაცი ყველანაირად შევაფასოთ, მაგრამ მარტო სტალინზე გავავრცელოთ ეს წესი? დავიჯერო ახლა მარტო სტალინს ჰქონდა ხასიათში ნაკლი და სხვას არავის? ესაა, გულს რომ მტკენს და ვერ გამიგია, თუ მართლის თქმა გადავწყვიტეთ, ყველას მიმართ მართალი ვიყოთ, თორემ ასე შერჩევით, ალაგ-ალაგ სიმართლეს ხალხი არ დაგვიჯერებს.

მოგაბეზრე თავი. ვიცი ახლა სტალინზე ლაპარაკის დრო არ არის, ასე ფიქრობ შენ. დღევანდელ საქმეს უნდა მივხედოთ. კი, ბატონო, მაგრამ შენ ჭკვიანი ბიჭი ხარ და თუ უკან არ მოიხედე, წინა კაცის ნავალი არ გაითვალისწინე, წინ წასვლა გაგიჭირდება.

განახლების მუსიკალური მოტივი შემოიჭრა სცენაზე. თანამე-დროვეობის ამსახველი ხმები და სურათები. გრიგოლ ბაქრაძე კვლავ სურათის ჩარჩოსთან მიდის.

გრიგოლ – ცხოვრებას თავისი კანონები ჰქონია, ბაბა. ისტორიაზე მიძალება რომ არ შეიძლება, ახლა მივხვდით, ა, ურემი რომ კინალამ გადაბრუნდა. სახელმწიფო ჭკუის კარნახით უნდა აშენო, თორემ ცეცხლით და მათრახით გამაგრებულს, ცეცხლი და მათრახი დაანგრევს, როცა იქნება. დავთათურობთ ახლა დანგრეულ ბუდეებზე, ვაბრუნებთ საფლავის ქვებს, იქნება რამე გადაგვირჩა. იმ ქვებს, რომლებზეც წარწერები ჩვენ თვითონ წავშალეთ. ადამიანის შვილის ხალხის მეხსიერებიდან ამოღების მუღამი მაინც ვინდამ გვასწავლა?

კაი ფიქრებით მოხვედით, მე და ჩემმა ღმერთმა. გიყურებთ და მიხარია. გული იმაზე მწყდება, რომ მხოლოდ გიყურებთ და მეტი არაფერი. მე ახლა, ოთხმოცდაათს მიტანებული კაცი, მარტო სიტყვა-რჩევით თუ შეგეწევით, თორემ ჩემი მარჯვენა რაღამი გამოგადგებათ.

არ დაიღალოთ და არ მოგწყინდეთ, ამ ერთს გთხოვთ მხოლოდ. სიმართლის გასაღები მარტო ჩვენ გვაქვს ჯიბეშიო, ამასაც ნურასოდეს იფიქრებთ. კაცს ფიქრის გაცხადების რომ შეეშინდება, ის კაცი თქვენი ერთგული ვერ იქნება, ბაბა. ამიტომ კაი ბიჭები მაშინ იქნებით, თუ სხვანაირი ფიქრისთვის ადამიანისშვილს არ შეიძულებთ. მოუსმინეთ იმასაც. გაარკვიეთ, იქნება, სიმართლეს ამბობს, რაღაცა მიზეზმა ხომ გაუჩინა ის სხვანაირი ფიქრი თავში.

გაღმერთება და გაბელადება, ვისიც უნდა იყოს, ამ თქვენს დროში მაინც სასაცილოა, და თუ შეგაფერხებთ, თორემ კარგს არაფერს დაგმართებთ. ადამიანი ისედაც ორი დღითაა მოსული ამ წუთისოფელში და წუ გაამნარებთ. მიხარია, აბა, არ გამეხარდება შიში რომ გაიპარა ჩვენი ოდის ჭუჭრუტანებიდან? ჯერ სადა ხართ. ვეშაპის სისხლზე ამოსულ დევებთან შერკინება

აწი გიწევთ. ჯერ კაცთა უჭყუობით გამრუდებული გზა უნდა გავასწოროთ ახლებურ ლარ-თარგზე. სხვის ჯიბეში ხელის ჩაყოფას უნდა გადავეჩვიოთ. არ გამოდგა საერთო გობში ხელის ფათურის წესი იმიტომ, რომ ზოგს დიდი პეშვი აღმოაჩნდა და ზოგს პატარა. ჩემსას და შენსას ნუ აურევ ერთმანეთში ჩემს მოსატყუებლად და ყველაფერი კარგად იქნება. ნუ წამართმევ ჩემს ჭადს და ნუ გამიხდი მერე სახვეწრად, ცოტა მომიტეხე-თქვა.

ღმერთმა ხელი მოგიმართოთ, ბაბა. მე იმითაც მადლობელი ვარ და იმის ფიქრით მაინც მშვიდად ჩავალ სამარეში, რომ სწორედ შენმა თაობამ მალაპარაკა შენთან ასე თავისუფლად, შიში გამორეკა ჩემი დარჩენილი დლეებიდან.

ქორო ადგილს სტოკებს და ნელ-ნელა უახლოვდება გრიგოლ ბაქრაძეს. გრიგოლი ხმას აუწევს და ხელშემართული ავანსცენაზე გამოდის.

გრიგოლ – ჩვენ იმდენჯერ ვჭამეთ სირცხვილი, რომ ახლა აღარავინ დაგვძრახავს, ყველა ერთად თუ შევუტევთ მრუდედ ნაქსოვ-ნაბურჯალს. ვაუკაცობა იმას ჰქვია, გაბედულება გვეყოს, ავდგეთ და ვთქვათ: – სხვა გზას ვეწიოთ, არ გამოგვივიდა ისტორიაში ნაუცბათევი ნახტომი-თქო.

გახსოვდეს, ბაბა! შეცდომის დაშვებაზე დიდი ცოდვა იმ შეცდომის მონად დარჩენაა!

ყურადღება

ერთმოქმედებიანი პიესა